

# Roodnairuáttháiddji säursmâ'ttemkuurs

Kela jää'rajast roodnairuáttháiddji säursmâ'ttemkuursid paarrkursân di säursmâ'ttemkursân, koid roodnairuáttháiddai vuässâatt õhttu. Paarrkursid vuässâ'tte õõtâst roodnairuáttháiddai da vuõrâsooumaž, koon hääidat. Säursmâ'ttemkuursid, koid roodnairuáttháiddai vuässâatt õhttu, jä'rajstet vue'zzin ougglõs-säursmâ'ttmõššân.



Kuurs lie jurddum pâ'jjel 18-ekksaž roodnairuáttháiddjid, kook hâidda juõ'kk peei'v vuõrâs õöldâsoummu, spesiaalpäärna le'be -nuõr. Roodnairuáttháiddaivuõđ diõtt šõddi kuâmtõõzz diõtt ä'sšnee'kk aarg tääimain spraavdõõttmõš le'be tõid vuässõõttmõš lij vuállnam le'be vaar vue'lnn vuállned. Roodnairuáttháiddjest lie levvjemoudldõõzz le'be levvjummuš, kook vaaike vuäittmõ'sše juä'tkked roodnairuáttháiddjen.

Kuursi täävtõssân lij u'vdded roodnairuáttháiddja tuärj da kuânstid jie'llemvue'jjes vaaldšummša da roodnairuáttháiddaivuõđâst šõddi va'žžtõõzzi fi'ttjummuša da tõivui'm pi'rğgummuša.

Šuurmõs vue'ss kuursi toi'mmjummušest šâdd jooukin da kuurs programm meä'rtââvv vuässõõttji jiijjâz da joouk õhttsaž täävtõõzzi mie'ldd. Kurssprograamm tiuddeet taarb mie'ldd oummu meâldlaž ohjjummušin.

## Kuursin vuäžžak

- tuärj jie'llemvuâkka
- teâđ da konkreettlaž vuä'ppõõzzid aargâst pi'rgğummsa
- viõkkväaraid da vaalmâšvuõđid vuässõõttâd määngpeällsânji jee'res tääimaid jie'llempirrõõzzâst da õhttsaž-kää'ddest
- verddsõstuärj.

## Paarrkuurs jä'rjstummuš

Säursmâttmõõžž jä'rjstet 15 määnpââ'j ääi'j. Kuurs jä'rjstet kääzzkõspuu't'teei tääimppääi'kest koummân 5 suutk vue'zzest. Lââ'ssen säursmâttmõš âân se'st ouddkiõttsaž õhttvuõttvälddmõõžž ouddâl säursmâttmõõžž aalg da seu'rrjemõhttvuõttvälddmõõžž säursmâttmõõžž puuttâm mângja. Ku'rsse vuäitt vuässõõttâd še ääv-vuässõõttmõõžž mie'ldd nu'tt, što vuäitt jie'lled kuursâst, a jäälast dââma.

## Säursmâ'ttemkuurs jä'rjstummuš

Säursmâttmõõžž jä'rjstet nu'tt, što tõ'st õhtteet kääzzkõspuu't'teei tääimppääi'kest šõddi säursmâttmõõžž di ougglös-säursmâttmõõžž (ne'ttsäursmâttmõš). Tääimppääi'kest šõddi säursmâttmõš peštt õhttsi'žže 10 sutkkâd da tön jä'rjstet kue'htten 5 suutk vue'zzest. Vue'zzi kõõskâst lij 12 neä'ttel ne'ttsäursmâttmõš. Lââ'ssen säursmâttmõš âân se'st ouddkiõttsaž õhttvuõttvälddmõõžž ouddâl säursmâttmõõžž aalg da seu'rrjemõhttvuõttvälddmõõžž säursmâttmõõžž puuttâm mângja.

Säursmâttmõ'šše, koon jä'rjstet kääzzkõspuu't'teei tääimppääi'kest, vuäitt še vuässõõttâd ääv-vuässõõttmõõžž mie'ldd nu'tt, što jeäll säursmâttmõõžžâst, a jäälast dââma.

## Säursmâttmõõžž oocâm

- Tieu'd oocâmlomaakk KU 132 tärkka. Vuäžžak lomaakk addrõõzzâst **[www.kela.fi/lomaakk](http://www.kela.fi/lomaakk)**. Kee'rjet oocmõ'šše jiijjad saa'nivui'm, mõõn diõtt taarbšak säursmâttmõõžž da tuu täävtõõzzid säursmâ'ttma. Tääimat oocâmlomaakk Kelaa'je.
- Oocmõõžž meâlddõssân jeät taarbšuku dâhttarciâlkâlm le'be jee'res meâlddõõzzid.
- Ko oožžak säursmâ'ttemku'rsse, tääimat säursmâttmõõžž aalgâst kääzzkõspuu't'teeja kopio jiijjad hâiddmušttlõõzzâst, koon vuäžžak tuu hoi'ddjeei tiõrvâsvuõttuâl juâkksest. Ko oožžak paarrku'rsse, tääimat še hâiddmušttlõskopio tuu hoi'ddjem õöldâsoummu tiõrvâsvuõttvue'jjest.

Säursmâttmõš lij määustem, da tõõžž vuäitt oocâd pirree'jj. Jõs leäk reâuggjie'llmest, vuäitak vuäžžad säursmâttmõõžžad ääi'jest säursmâ'ttemtie'ğğ. Kela ko'rvvad še säursmâttmõõžžâst šõddâm mä'tkkkoolaid.

Kuursid jä'rjstet lääddas da tu'lkķeet vuässõõttji taarb mie'ldd jee'res sää'mkiõlid.